



Školski godišnji izvještaj Često postavljana pitanja

Šta je Školski godišnji izvještaj?

Školski godišnji izvještaj je evidencija procesa samoprocjene rada škole. Sprovodi se svake godine i dio je stalnog procesa školskog planiranja i procjene.

Školski godišnji izvještaj svojoj školskoj zajednici pruža informacije o uspjehu škole u nacionalnim i državnim ispitnim programima. Navodi i informacije o tome u kojem kontekstu treba da se date informacije razmatraju.

Oko 2250 škola i obrazovnih centara izdaje Školski godišnji izvještaj, u skladu sa specifikacijama koje postavlja NSW Department of Education and Training (DET), Uprava za obrazovna mjerila i odgovornost škole (Educational Measurement and School Accountability Directorate).

Šta je svrha Školskog godišnjeg izvještaja?

Školski godišnji izvještaj je važan sastavni dio u obavezama koju škola snosi prema roditeljima i zajednici, prema NSW Department of Education and Training (DET) te prema Saveznom Ministarstvu za školstvo, zapošljavanje i radne odnose (Department of Education, Employment and Workplace Relations) (DEEWR).

Koje su obavezne tačke u Školskom godišnjem izvještaju?

Obavezni elementi o kojima škole moraju podnijeti izvještaj obuhvataju sljedeće:

- informacije o porijeklu osoblja i đaka
- uspjeh đaka
- samoprocjenu rada škole
- ciljeve za poboljšavanje.

Ko je zadužen da razradi Školski godišnji izvještaj?

Školski godišnji izvještaj priprema odbor za samoprocjenu rada škole. Odbor je sastavljen od predstavnika zajednice i škole, nastavnika i članova izvršne uprave pod vodstvom direktora.

Da li sve škole moraju sastaviti Školski godišnji izvještaj?

Da. Od 1997., sve državne škole u NSW-u su obavezne izdavati Školski godišnji izvještaj.

Koje informacije mogu očekivati da nađem u Školskom godišnjem izvještaju?

Izvještaj za školsku godinu uključuje sljedeće informacije:

- kratak pregled informacija o osoblju i đacima
- uspjeh đaka u nacionalnim i državnim testovima, u osnovnim i srednjim školama
- uspjeh đaka u područjima umjetnosti i sporta
- informacije o značajnijim programima i inicijativama koje škole nude
- samoprocjena rada škole i uspjeha u odnosu na postavljene ciljeve; te
- postavljene ciljeve za poboljšanje u narednoj godini.

Šta je grupa sličnih škola (Like School Group) (LSG)?

Like School Group je grupa škola koje su slične na osnovu dva društvena faktora, a to su:

- prosječni socio-ekonomski status školske zajednice (socio-ekonomski status je mjerilo koje se određuje svake školske godine i odražava promjene u profilu upisanih)
- geografska izolacija.

Sve osnovne, srednje i centralne škole su svrstane u jednu od devet Like School Groups, osim ako se radi o selektivnoj školi. Za selektivne škole je osnovana dodatna Like School Groups.

Škole mogu izabrati da u svom Školskom godišnjem izvještaju svoj uspjeh navedu u odnosu na uspjeh njihove Like School Group (LSG).

Navođenje uspjeha u odnosu na Like School Group nije obavezno. Škole mogu odlučiti da objave te informacije kako bi pokazale kakav je uspjeh te škole u državnom testiranju, a u odnosu na druge škole u istoj Like School Group. To ponekad može predstavljati korisniju informaciju nego poređenje rezultata sa državnim prosjekom.

Da li su uslovi izvještavanja za manje škole isti kao i za velike škole?

Za manje škole ili manje grupe đaka, izvještavanje informacija mora biti u skladu s pravilnikom o zaštiti privatnosti i ličnih informacija. Grupe s manje od 10 đaka ne smiju davati statistički sažetak niti grafički prikaz uspjeha đaka u nekom kursu ili predmetu. Kad je broj đaka manji od 10, škola informacije navodi samo u opisnom tekstu imajući na umu zaštitu privatnosti svih đaka.

Koje su opcije kod sastavljanja izvještaja?

Škole imaju opciju da uključe informacije o izvanrednim postignućima đaka u područjima umjetnosti, sporta, državljanstva i na bilo kojem drugom području koje je bitno za tu školu.

Može se uključiti i sažetak informacija u odnosu na druge školske programe, kao što su na primjer dobrobit đaka, tehnologija informacija i komunikacije, obrazovanje o okolišu i programi za đake s dodatnim potrebama.

Kad mogu očekivati primjerak Školskog godišnjeg izvještaja od škole koju moje dijete pohađa?

Škole svoj Školski godišnji izvještaj obično objavljuju tokom 1. i 2. tromjesečja sljedeće godine. Školski godišnji izvještaji se moraju distribuirati prije 30. juna svake godine.

Kako mogu dobiti Školski godišnji izvještaj škole koju moje dijete pohađa?

Škole će primjerak izvještaja poslati svakoj porodici čije dijete pohađa tu školu. Mnoge škole radije daju elektronski pristup Školskom godišnjem izvještaju, i svoje izvještaje stavljaju na veb-sajt škole. Molimo nazovite školu svog djeteta ili Educational Measurement and School Accountability Directorate na 9707 6217 za daljnje informacije o tome kako da dobijete primjerak.

Telefonska služba tumača

Ako trebate pomoć tumača da biste nazvali školu svog djeteta ili Educational Measurement and School Accountability Directorate, molimo nazovite Telefonsku službu tumača na 131 450 i zamolite tumača za svoj jezik. Tumač će nazvati školu ili Directorate, ostati na vezi i pomoći vam u razgovoru. Ova usluga je za vas besplatna.

